

25 იანვარი 1915 წ.

მიიღება ხელის მოწიკა

წლიური ფასი

≡ 5 მან. ≡



უძველესი კვირეული საზოგადო. მკონო.

ცალკე ნომერი 10 კაპ.

მიური და სალიტერატურო შუროალი

რედაქცია ღიაა 9-3 საათამდე.

წელიწადი მართხა

მისამართი: თბილისი, გაბაევსკიი პერ. № 3 რედაქცია „კლდე“. დეპუტისა: თბილისი კლდე.

ს ა რ ხ მ ვ ი:

1. კიდეუ გამტეეულებზედ. — რ. გ-ეხი.
2. გამტეეუდი სომხები.
3. შუვიდობიან მცხოვრებთა დარბეუა.
4. გლოვის შაა — ინ-ბანიხა.
5. სსვა და სსვა აშები.
6. მიდიუკოვის მასხუხი.
7. ბრესა და მიდიუკოვი.
8. იბი და თვიატეეუდება. — ვინმე სოფ-ლელისა.
9. ბრ. ივ. ჟავახიშვიდის ლექციის გამო. — დ. კახრაძისა.



42, სანტიმეტრიან ხარბახნების ბატარეია ანტვერპენთან ბრძოლის დროს.

კოდეკ გამოქვეყნებზედ

გამოქვეყნების საკითხი თანადაჲთ რთულდება და ათასგვარ სახეს იღებს. თვით სომხებიც გაიყვნენ რამდენიმე ჯგუფად და საინტერესოა შედარება როგორც მათი აზრისა, ისე სხვებისა, რამდენადაც ეს იხატება და შესაძლებელადა ხდება დღევანდელ პირობების მიხედვით დახატვა — პრესაში.

აი მაგალითად რასა ვკითხულობთ გაზ. „Kac-ში“ (№ 12): «14 იანვარს დ. ბ. ავან იუზუბაშევ საღნაღის ხანის თავმჯდომარეობით, შესდგა „დაზარალებულთა შემწეობის აღმომჩენი საზოგადოების გამგეობის“ კრება, საცა სრულიად რუსეთის საერობო კავშირის წარმომადგენელმა ბ. ნმა ევანგულოვმა, ახლად დაბრუნებულმა იგდირიდან, წაიკითხა მოხსენება. გამგეობამ დაადგინა დაეხმაროს გამოქვეყნებას სათესლე-მასალით, საქონელით და მიწადმოქმედო იარაღებით».

„კავკ. სლოვოს“ № 15-ში მოყვანილია წერილი აგრონომ ა. ათანასიანცისა, საცა შემუშავებულია მთელი პლანი, თუ როგორ უნდა იყოს გამოყენებული გამოქვეყნოთა ძალა ადგილობრივ მეურნეობაში. მთავარი დებულება ამ წერილისა ის არის, რომ 120000 გამოქვეყნულიდან შეიძლება ამოიჩხეს 40-50,000 გამოსადეგი მუშა, რომელიც ადგილობრივ მოსახლე სომხობას შეუსრულებს მუშა ხელის დანაკლისს (ომში გაწვეულებისას) და თვითონაც თავს გამოიკვებაეს ამ აზრს ასაბუთებს მრავალ მხრივ და მოიწვევს სომხის საზოგადოებრივ და სამეურნეო-ეკონომიურ დაწესებულებათ ამ გეგმის შესასრულებლად. ა. ათანასიანი „კავკ. სლოვოში“ (№ 15) გაკვრით ამბობს მხოლოდ, რომ გამოქვეყნული სომხები აქ ისწავლიან უფრო უკეთეს მეურნეობას და შემდეგში სამშობლოშიაც გადაიტანენო. იგივე ათანასიანი სწერს გაზეთ „მშაკში“. (საიდანაც „კავკ. სლოვოს“ გაღმობეჭდილი აქვს № 14-ში.) რომ გამოქვეყნული აუცილებლად უნდა დაბრუნდნენ თავიანთ სამშობლოში, რომ არ შეაწუხონ ისედაც შევიწროებული ადგილობრივი სომხობა და თვითონაც არ გაისრისნენ.

«ნუთუ სასურველია, კითხულობს ათანასიანი, რომ მათი სოფლები, მათი ნაამაგდარი ადგილები დარჩნენ უპატრონოდ; ნუთუ მოიპოვება თუნდაც ერთი. რომელიც იცნობს ამიერ-კავკ. სომქსთამიწის სივიწროვეს, რომ მოინდომოს, ან ფიქრად გაიფლოს გამოქვეყნულ სომხების დარჩენა ჩვენ მხარეში? ეს

შეგნებლი მკვლელობა იქნებოდა ბალხისათვის მასადამე, დღევანდელი დღიდან, დაუყოვნებლივ უნდა ვიხმაროთ ყველა ღონე, გამოვიყენოთ ყველა საშუალება, რომ გამოქვეყნული უკან სამშობლოში დავაბრუნოთ, როგორც კი გარემოებები უნდა დაგვრთავს.

უპირველეს ყოვლისა უნდა გაიგზავნენ კაცები, რომ მოამზადონ ნიადაგი მიწის სამუშაოსათვის, შემდეგი მოსავლისთვის. მაგრამ ამისათვის საჭიროა მათთვის მუშა საქონელით. თესლეულობით და მიწად მოქმედების იარაღებით დახმარება. ამასთანავე ავტორი დიდს თანაგრძნობას უცხადებს სომხურ საზოგადოება „ნპასტამატუიკს“, რომესლაც — სწორედ ეს მიზანი დაუხატნიაო».

ჩვენ რომ გამოვეთქვა ეს აზრი, რომ გამოქვეყნული უნდა დაბრუნდნენ თავიანთ სამშობლოში — ჩვენზედ შოვინისტი, უგულო და უსულო სხვა ჭევეყანაზედ არ მოიძებნებოდა, მაგრამ დღეს ამას თვითონ სომხები ამბობენ... თითქო. ვამბობთ თითქო-მეთქი, რადგან არ გვინდა ექვი შევიტანოთ ბ. ნ ათანასიანცის გულწრფელობაში, რომ იგი „მშაკის“ ფურცლებზედ თავის ნამდვილი გულის წაღილს გამოსთქვამს — მაგრამ ჯერ ერთი უცნარი წინააღმდეგობა მისი სურვილებისა და ამ სურვილების განსახორციელებელ საშუალებათა შორის და მეორეც იმ წერილებს შორის რომელიც დაისტამბა „კავკ. სლოვოში“ ერთის მხრით და „მშაკში“ მეორის მხრით. მართლაც, ვიფიქროთ ერთ წუთთსა, რომ გარეშე პირობები არ არსებობენ და ყველაფერი შესაძლებელია ისე მოხდეს, როგორც ათანასიანცსა სურს: ე. ი. გამოქვეყნული აუცილებლად უნდა დაბრუნდნენ ოსმალეთში, — მაშ რად უნდათ იარაღები, გუთნები, თესლეულობა, მუშა-საქონელი და სხვა? ყველა ეს ხომ მეტი ბარგია იმ დრომდის. ვიდრე გამოქვეყნული მართლაც სამშობლოში დაბრუნდებიან, რადგან გუთანი, რომელიც უნდა ამუშავდეს ოსმალეთში და თესლი რომელიც უნდა დაითესოს ოსმალეთში და სპარსეთში — რად უნდათ გამოქვეყნულებს — რუსეთში? განა გუთნის მიკვებით გაუნჯობესდება გამოქვეყნულის ბედი თუ კი ის მიწა არა აქვს ჯერა, რომელიც უნდა მოხნას? ან სათესლე პური განა გაამლომბს გამოქვეყნულს, თუ მართლა იგი სათესლეო უნდა? ეს ერთი წინააღმდეგობა. მეორე იმაშია, რომ იგივე ათანასიანი „მშაკში“ ურჩევს სომხობას — აუცილებლად უნდა დაბრუნდნენ გამოქვეყნულები სამშობლოშიო და „კავკ. სლოვოში“ კი მთელს

გეგმასა ხატავს, თუ როგორ უნდა მოეწყვნენ იგინი აქა.

„დღეიდანვე, დაუყოვნებლივ უნდა ვიხმაროთ ყველა ღონე, გამოვძებნოთ ყველა საშუალება, რომ გამოქცეულნი უკანვე დაბრუნდნენ სამშობლოში“ — სწერს ათანასიანი „მშაკში“. „50,000 ამორჩეული მიწა გამოქცეულებიდან თითონაც თავს გამოიკვებავს და ადგილობრივ სომხობასაც შეუბრუნდება“ — ამბობს ათანასიანი „კავკასიის სლოვოში“.

რასაკვირველია გვეტყვიან, რომ აქ წინააღმდეგობა არაფერშია დღეს 20,000 აქ მოვაწყობთ რომ თავი ირჩინონ და შემდეგ, როცა ქვეყანა დაწყნარდება — მთელ 120,000 გამოქცეულს უკან გავგზავნითო. მაგრამ რა საჭიროა მაშინ ლაპარაკი იმაზედ რომ დღეიდანვე უნდა გამოვანახოთ უკან დაბრუნების საშუალება, თუ ეს დღე ჯერ არ დამდგარა; ან თუ არ დამდგარა — როგორ უნდა ათანასიანს გავგზავნოს უკან კაცები მიწის მოსამზადებლად? და თუ უკვე ურიგებს საქონელს, გუთნებს, თესლეულობას — აღბად ეს დღე უკან დაბრუნებისა უკვე დამდგარა?

მაგრამ გარდა აღნუსხულ წინააღმდეგობათა, რომელნიც ხშირია, როდესაც ადამიანი ანგარიშს არ უწევს სინამდვილეს, — ათანასიანის წერილებში ხალხის მთავარი მამოძრავებელი ძალა სრულიად დავიწყებულია. მართლაც, რამ გამოაქცია სომხობა? — უხეშმა ძალამ, მაშასადამე ჯერ ერთი ამ უხეში ძალის სრული დათრგუნვაა საჭირო, რომ სომხები უკან დაბრუნდნენ — როდის მოხდება ესა, არაფერის — და დღეიდანვე მეცადინეობა იმისი რომ გამოქცეულნი დაბრუნდნენ, უნაყოფო უნატარია არის და მეორეც რითი აიძულებს ბ-ნი ათანასიანი გამოქცეულებს დაბრუნდნენ იქ, საცა ელექტის მეტი არა მოვლით რა. სტატიებით ხომ ვერ დაარწმუნებთ აწიოკებულებს — რომ სამშობლო უფრო საყვარელი ადგილიაო? და როდესაც აქ სამუშაოს მისცემთ, გუთნებს, იარაღს, საქონელს, თესლეულობას და... ზოგიერთის პროექტით — მიწებსაც, — არ შეიძლება გვიჩვენოთ ის ფსიხოლოგიური, ეკონომიური ან სხვა რამ მოტივი, რომლითაც გამოქცეული იხელმძღვანელებს უკან დასაბრუნებლად? მერე სამოთხისებურ კავკასიიდან — მწირ სომხეთში? ჩვენის ღრმა რწმენით, გამოქცეული სომხები აქ დარჩებიან, თუ მათ სურვილზედ იქნება ეს მინებელი და ვერავითარი აგრონომიულ-პატრიოტული მოსახრებაანი ბ. ათანასიანებისა მათ ვერ დასძ-

რავთ. მაშასადამე, უნდა ვიფიქროთ რომ შესაძლებელია მხოლოდ ეკონომიურმა სიფიწროვებ, მიწის სიფიწროვებ, რომელზედაც ლაპარაკობს ათანასიანი „მშაკში“ და არა ლაპარაკობს „სლოვოში“ აი ამ სიფიწროვებ აიძულოს გამოქცეულები საითკენმე დაიძრნენ.

აი აქ იბადება ის მეორე პოზიცია, რომელზედაც ვდგევართ ჩვენა და თუ ათანასიანებს შეუძლია ანთ თანამად ლაპარაკი სომხების მიწის სიფიწროვებზედ ამიერ-კავკასიაში და აქედან, გამოქცეულთა ბედის ასეთი თუ ისეთი ბედის გადაჭრა — მით უფრო შეგვიძლიან ჩვენ გულახდით თქმა, რომ გამოქცეულთა აქ დარჩენა „შეგნებული სიკვდილი იქნება“ (ათანასიანის სიტყვები) არა მარტო სომხობისათვის, არამედ სხვა მკვიდრთათვისაც. ეს ობიექტიური მოსახრება სრულიად არა სპობს იმას, რომ საერთო კაცობრიული გრძნობათა მიხედვით — გამოქცეულებს შეეძლოს სჭირიათ, მაგრამ საშველის შინაარსია თავი და თავი და ამიტომ გამოვდივართ ჩვენ სომხების თვალში — „შოვინისტები“.

წერილი მეტად გაგვიგრძელდა და დაწვრილებით აღარ შევჩერდებით ჩვენსა და ათანასიანებს შორის სადაო საკითხზედ, მით უფრო რომ აქვე მოგვყავს აზრი „პეტროგრადსკი ვედომოსტისა“ (№ 8). საცა ცოტად თუ ბევრად დაახლოვებით იგივე აზრია გატარებული.

რ. გ.

გამოქცეული სომხები

„პეტ. ვედ.“ მოთავსებულია ოგიუსტის წერილი „გამოქცეულ სომხებზე“. როდესაც კითხვა შეეხება გამოქცეულთ, ბევრნი ჰფიქრობენ, ვითომც ჩვენ მხედველობაში გვექონბა თბილისიდან გამოქცეული სომხები. ამიტომ ჩვენ საჭიროდა ვრაცხთ მკითხველს ეხლავე ვაუწყოთ, რომ ამ შემთხვევაში ჩვენ თბილისიდან გამოქცეულ მდიდარ სომხებზე კი არა ვლაპარაკობთ, არამედ სპარსეთიდან გამოქცეულ მშვიერ და შიშველ სომხებზე. „პეტ. ვედ.“ სწორედ ამ უკანასკნელებს ჰგულისხმობს. მისი აზრით, კავკასიაში მორბიან სომხები თითქმის იანთ რაიონებიდანაც კი, სადაც მათ არავითარი შიში არ მოვლით. როდესაც ბელგია დაიპყრეს გერმანელებმა, მისი მცხოვრებნი საფრანგეთში და ინგლისში გაეშურნენ; ჩვენი მოსახლურე პოდლონელე-

ბი თავიანთ სამშობლოს შუა გულში. სპარსეთის სომხები კი არა თუ თავიანთ სამშობლოში არ ეძებენ მყდრო თავშესაფარს, არამედ მორბიან იმ მხარეში, რომელსაც სპარსეთთან არავითარი სამტრო დამოკიდებულება არა აქვს“. ამ თვალსაზრისით ხსენებული გაზეთი სპარსეთიდან სომეხთა გამოქცევას ფრიად საგულისხმიერო პრეცედენტადა სთვლის გამოქცეულთ შველა ესაჭიროებათ, უწინარეს ყოვლისა, ფულით, მაშინ როდესაც გაზეთის სიტყვით, მეფის მოადგილის მიერ დაარსებულ „სომეხთა ნაციონალურ ბიუროში“ საშუალება აღარ მოიპოვება მათ დასახმარებლად. მართალია, სომეხ მდიდრებს სთხოვენ, ყოველ დღე აწუხებენ, მაგრამ ბევრმა მათგანმა სრულიად არაფერი მისცა, ან და თუ მისცეს, ფრიად ცოტა... ამნაირად, „სომ, ნაც. ბიურო“, რომლის მზგავსი არც ერთს არარუსს ხალხს არ მოეპოვება მთელს იმპერიაში, სრულებით უძლური გამოდგა, რომ სომეხი მდიდრებისთვის გაჭირვებულ მოძმეთა დასახმარებლად რაიმე გამოეღებინათ. მაშასადამე, ეხლა შველას უნდა მოელოდნენ მთავრობისაგან და სომხის საზოგადო მოღვაწენიც პფიკრობენ მიმართონ მის უდიდებულეს სომხის დიდი მთავრის ნიკოლოზის ასულის ტატიანას სახელობაზე დაარსებულ დამხმარებელ კავშირს.

თბილისში ეხლა დიდია „გამოქცეულთა“ რიცხვი. მათ აქეთ-იქით ათავსებენ და „თუ ეპისკოპოზ ნერსესის შუამდგომლობა შეწყნარებულ იქმნა და გამოქცეულთ რუსული პასპორტები დაურიგდათ, მაშინ გამოქცეულთა დასახლება უფრო ფართო სახეს მიიღებს... მათი უმეტესი ნაწილი, როგორც ყოველთვის, ეხლაც ქართველთა საზღვრებში იქნება დასახლებული. საქართველოში ასეთი გადმოსახლება აგერ ათეული წლები ახდება რაც ისედაც ხდებოდა, თუნდა ოსმალეთში არავითარი დევნა და ექსცესები არ ყოფილიყო. სომეხთა დასახლება ქართველთა ტერიტორიაზე კი ქართველების უმტკივნეულეს საკითხს შეადგენს. თანამედროვე ქართველის ეროვნულ მსოფლმხედველობად აღიარებულია აუცილებლად შენახვა და დაცვა საქართველოს ტერიტორიისა. ქართველის ეროვნული აზრი არავითარ კომპრომისებს არ იცნობს ამ საკითხში და, აი, სწორედ ამიტომ არის, ყოველთვის ქართველ-სომეხთა საურთიერთაშორისო დაობაში უმთავრესად ტერიტორიის საკითხი არის ხოლმე ნიადაგად.

არ შეიძლება ამ წერილის ავტორს არ დავეთანხმოთ, რომ მიწა-წყლის საკითხი, ყველაზედ

მტკივნეული სადავიდარაბო ადგილია ჩვენი და სომხების ურთიერთობისა, რომლის გადაუჭრელობის გამო ყოველად შეუძლებელია ჩვენი მეგობრობა-მეზობლობა და თანხმობითი ცხოვრება ამის სიმწვავეს და ფრიად საფრთხილო შედეგებს უნდა ყველანი ვგრძნობდეთ... „პეტ. ვედსის სტატიის გამოქცეულთა საკითხი სახელმწიფო საკითხს წარმოადგენს და მათი „დროებითი“ დასახლება ისეთ პირობებში უნდა მოხდეს, რომ შემდეგში არავის არ მიაყენოს ეროვნული თავმოყვარეობის შელახვა და ტყალური დაჩაგვრა. („ზაკ რეჩი“).

მშვიდობიან მცხოვრებას დარბევა

სამწუხარო ამბები ხდება. შეუგნებელი ბრბო მშვიდობიან მცხოვრებათა აკლებს-აწიოკებას შეუდგა. ამას ყარსის გენერალ გუბერნატორის ბრძანებიდან ვიგებთ. აი რა სწერია ამ საყურადღებო ბრძანებაში: „გარდა ისეთი შემთხვევისა, როცა ნოკლულ იქმნენ სრულიად უდანაშაულო მუსულმანები, ჩემდამი მოღწეული ცნობების მიხედვით, ქრისტიანი მცხოვრებნი, ოსმალთა ჯარის შემოსევის შემდეგ ვითომ შურისძიების სახით მუსულმანთა სოფლებში ეწევიან შეიარაღებულ ცარცვა-გლეჯას მაროდორობას და ძალმომრეობას“.

ყარსის მუსულმანები მშვიდობიანობას იცავენ და მათ არავითარი დანაშაული არ ჩაუდენიათ, მართალია, არტაანის მხარეში ოსმალეთის ჯარს ნებით თუ უნებლიედ რამოდენიმე მუსულმანი მიემხრო, მათ მთავრობისაგან სასტიკი სასჯელი მოვლის. მაგრამ რა შუაშია აქ ყარსის მუსულმანები? თითო ოროლა ქურდი და მოლაღატე ყველგან მოიპოვება. ნუ თუ ამის გამო მთელი ერი უნდა ამოვიჩემოთ? აგრე ვინ მისცა გასამართლების უფლება მშვიდობიან მცხოვრებთ? ამისთვის მხოლოდ სასამართლო არსებობს. მაგრამ ამას ივიწყებს შეუგნებელი ბრბო და მისი მეთაურები

სჩანს, ეს კარგად გაუთვალისწინებია ბ. ყარსის გენ.-გუბერნატორს, რომ ასე გადაჭრით ჰგმობს მშვიდობიან მცხოვრებათა აწიოკებას. პრესა და საზოგადოება ვალდებულია ამ სამწუხარო მოვლენას ჯეროვანი ყურადღებით მო-

ეპყრ ას. მართლაც, დღეს ლალატს არტანისა და ბათუმის ოლქის მცხოვრებთ სწამებენ. აშკარაა, დამნაშავე მხოლოდ რამოდენიმე პირი ან ჯგუფია; ხვალ შეიძლება მოლაღატეებად ნემსები მონათლონ, შემდეგ სომხები, აკი რამოდენიმე თვის წინად დაჟინებით ავრცელებდნენ ხმებს სომეხთა ლალატზე! ომი არვე-დარვეისა და უნდობლობის ხანაა. მით მეტი დაკვარებაა საჭირო, რომ ისეთი სამწუხარო ამბები არ განმეორდეს, როგორც ეს ყარსში მომხდარა. ყველას ახსოვს სომეხ-მუსულმანთა შეტაკება 1901 წ წლებში. საკმაოა ერთ ადგილას მუსულმანები ააწიოკონ, რომ მეორე ადგილას საფრთხეში სომხები ჩავარდნენ. ნუ დავიწყებთ, მრავალი სომეხია სპარსეთსა და ოსმალეთში. ხვალ სადმე ქართველებს გაჟლეტენ, ზევ ნემსებს დაარბევენ და ასე მთელ კავკასიაში ნაციონალური შუღლი დატრიალდება.

ეს დამლუბველი იქნება კავკასიის ერთათვის.

ვინ არ იცის, რომ შოვინისტები აფართოდ სარგებლობენ საერთო უბედურებით, რომ ერთი გრი მეორეს დაუპირდაპირონ და საერთო არვე-დარვეა გამოიწვიონ. ეს შოვინიზმის გაღვივებას ხელს უწყობს. მაგრამ ამით ხომ ყველა ერთი წააგებს. განა სომხეთის ავტონომიის მოპოებას დემოკრატიას დახმარების გარეშე უნდა ველოდეთ? ასევე ითქმის სხვა ერთა მოთხოვნილებებზედაც.

ამასთან ერთი უნდა გვახსოვდეს, ომის ბედი ცვალებადია. დღეს რუსის ჯარი ოსმალეთში შეიჭრა, ხვალ ოსმალნი უტევენ. ასე ხდება პოლონეთ-

ში და საფრანგეთში, ასეთივეა ომის სურათი კავკასიის ასპარეზზედაც. თუ დღეს მუსულმანი მუსულმანები აღარ დაინდვენ, რა შიგვის ხვალ, ვთქვათ, სომხებს და სხვა ერთ-ერთ ოსმალნი რომელიმე ადგილას კავკასიაში შემოიჭრენ და იქ დროებით გაბატონდნენ?

ომია ჯარებისა და არა ხალხთა შეტაკება. ამიტომაც მუსულმანი მცხოვრებთა დარბევა სასტიკად უნდა დავგმოთ და ამის წინააღმდეგ შესაფერი ზომები მივიღოთ. („ახ. აზ.“)

გლოვის მთა


(ლეკანდა)

I

შესეს ადნავ ამოუყო თავი და ცის კამარას გავარჯარკულ ისრებს ესრდა. სხივთა კონები აქრას სვეტებად აზიდუდიუვნენ და აღმოსაკლუთით მღებარე მთებს შარავანდედად ევლებოდნენ. სისლი ხელ-ხელა ოხელდებოდა და იღუოდა. ქვეყანას გამოუღვიძნა და ამოძრავებუდიუა.

დადონებუდი შესტქეროდა დედა თავის სამს შეილსა; მანდილი ჩამოჭვარდნოდა და ქედარს უწესრიგით შემოჭიკუნოდა მხრებზე. საკუთარ სისხლ-ხორცს გულიდან ჰბეჭეჭავდნენ და ომში მიჭეჭავდათ.

— დედი, გადიუარე სხიდან! დრუბლები — უთხრა უფრასმა ვაჟმა. — შესეს თავს ხომ არ არის მარტო ეს ამიავა. შესეს ტაფაში სხვაც ბევრი იწვის. მოვალთ ც



იაპონიის სააღყო არტილერია ცინდაოში

ხლები ხომ კარგი, არა და, რა გავწეობა. ჩვენი წერა ეს უფიქროსა.

— ეჭვ, შეიძლება ან სხვა რაღაცის არის მადლიერი? დედის გული წერას არ დაგიდექს, განგებთ არ ემორჩილება, ძნელად იხულებს ძვილების დაკარგვას. სადაც უცხო მხარეში ძვლები უნდა ჩაგვარდეთ... სხვა განხარება... თქვენ უფა-უფარხის გერძი გახდებით. სამი ვარდი გამიზრდია ჩემ ბაბო, ამიუფაგვირია და ესეა უნდად ხელიდან შეცვლება... ჩემი ბაბო იხრდება.

— დედილო, აჭა, აი სამაგიეროდ, ეს უფიქროსა. — უთხრა უმცროსმა შვილმა და ახლად გაშლილი თეთრი უფიქროსი შიშვლი; — უმძრახმა უზმობზე მოვსწიოტე; არ დატყნება. აღმასუბი შიშვლიაფრქვია გარშემო რაღაც თაუის მოძიეთ ვაშორებდი. თუ გაწიადდექს, სისხლის ფერა მაქცეს, აღარ დაგიბრუნდება!

— დედი, მერ გაძლეე უზმობზე მოწვევით უცხო უფიქროსი. თეთრია უმტყვერო ქაღალდით — წამილიაშარავა შუათახამ. — გაწიადდექს, აღარ მოვადე შინა, არა და, უკან დაებრუნდე.

თეთრი უფიქროსი უფროსმაც შიშვლია.

დედამ უფიქროსი კალთაში ჩაიწიო და ზედ მღუღარება გადაახნია.

შვილები გამოკობხვენებ დედას და გამოადნენ.

II

ჩათვიკრებულად გამოიყურებოდა მადლი შიშ. გულს სკვდა შემოსწოლოდა. ფრიალო კედლები დაობლებოდა. არწიფთ ბუდენი დასტარიკლებოდა. შორს გადაკარგულიყვნენ ფრინველთა შეუენი, მშ.აბლიურ გერას მომარკობდნენ, მდინარეც აღარ მხიარულობდა. გმირთა უიკილი აღარ ესმდა; წყნარად მიიკლავსებოდა შთის ძირას და თაუასთავის რაღასაც ბუტბუტებოდა. შთის წვერზე ტაძარი ამართულიყო და მუდიდურად დატყურებდა ანუ-მარეს. შირხვთისას უწოდებდნენ. ირგვლივ პატარა შთები ჩამწკრივებულიყვნენ და ჭარისკაცებით მოწიწებით შესტკაროდნენ თაუის უფროსის მამებს; თაუები მწვანე ხეების გვირგვინებით ქვენიდათ შემგულდი. შთების ძირას თუღ წარმტაცი ველი ეძლებოდა. ველის მწვანე ხალს მრავალი უფიქროსი ჩაჭქსოვებოდა და გარემოს აუეროვნებდა.

მაგრამ მადლად შთას ეს არ ახარებდა.

უნდად ხეებს რაღაც ჩინკოლი შეუდგომო:

— მოდის, მოდის! — წასხურხულეს ერთმანეთის.

შორს, ხელმარჯვნივ, ძაძამოსილი ადამიანი გამოჩნდა, ხელის ხაბიფით მოკმარებოდა მადლად შთისკენ. ფერი წასვლოდა, წმინდა სანთელს დაშტკავსებოდა, სახე მწუხარებით მოჭჩაოტებოდა და თაულებზე ხაღუღის ნის-

ლი გადაჭკვროდა. ხელში სამი წითელი უფიქროსი ეჭირა. უფიქროსის სისხლის წვეკობი სდიოდა, ძირს ეცემოდა და მოდის ხავერდის ტყუობდა.

— მოდის, მოდის! — წასხურხულეს კადვე ხეებმა ერთმანეთს, და ახლა ხელმარცხნივ, გვერდით, ძაძამოსილი ადამიანი, ხელში ორი წითელი უფიქროსი ეჭირა.

— მოდის, მოდის! — გაისმა ხელახლად ხეების ჩურჩული, და შორს კადვე ძაძამოსილი ადამიანი გამოჩნდა. ხელში ერთი წითელი უფიქროსი ეჭირა...

გაიარა ხანმა და უფიქროსი ძაძამოსილი მანდილოხებით გაივსო. უფიქროსი წითელი უფიქროსი ეჭირა; უფიქროსი ხაღუღის შექცეოდა. სამარის უკრი დასდებოდათ, სახე დაჭლაროდათ.

ხეებმა ჩურჩული შესწევითეს და ყურები ჩამოჭყარეს.

— მიკმართეთ შთა წმინდას, მიკმართეთ შირი-ხვთისას. — სთქვა შირველად მოსულმა. — იქნება ჩვენი გულს ჩამე მალაში დაუღოს... წვითა და დაგვით გაუზარდე სამი შვილი და... დაუკარგე... თქვენც დაგიკარგავთ...

მანდილოხანნი მადლად შთისაკენ გაემართნენ. წინ ს.მუვილიანი მიუძღოდათ. შავი ძაძა ველს ფერს უკარგავდა და უფიქროსი მხიარულ გრგვას ამწუხარებდა.

შავი გუნდი შთის ძირს მიუახლოვდა და გაჩერდა.

— შთაო მადლად! შეჭდალად სამუკვიდიანმა და უფიქროსი ასწია მადლად. — შთაო წმინდაო, სად არიან ბუნი არწიფნი? რად დატარიკლებულა გმართა სავანე?

წინამძღოლს დახარხებებდაც მიჭბამეს: უფიქროსი უფიქროსი ასწია მადლად და გულგასაკმირი სკერთო დრტვიზუა გააქმა.

შთა უფროსი უარესად მოიდუმბა, ზარმა შეამწყნა.

— შთაო მადლად, ვინდა დაიტყვს ქვემძროშთაკან შენ ამაღს ქედს? — განაგრძო სამუკვიდიანმა. — დაობლდი განა, შთაო? ჩვენი შვილები ვეღარ დასტებებთან შენი სიდიდითა! ვეღარ გაიგებენ გმირულ ძახილას! გმირთა სიძღერას ბანს ვეღარ მისცემ! შორს, უცხო მხარეს ჩაჭყარეს ძულები.

გუხდი შთას შეუდგა, შავ ზოლად გაიჭიმა: შირი-ხვთისაკენ მიიწვევდა.

შთას გული აუხუყდა, და აჭკიათობდა.

— შირიო დუთისას! — მიმართა სამუკვიდიანმა ახლ ტაძარს. — ავი სულები დაგუპატრონებთან. ბნუფეთა ძაღნი სულს გვიხუთავენ. ქვეყანა მწირ ქვეყანა. პირა ჩაევიქრეს. გულს ცეცხლი მოგვადებია. ან დაგვიბრუნე ჩვენი სისხლი და ზორცი ან ჩვენი თან მიგვადგუნე. წაგვიუვანე; ამ ქვეყნად აღარაფერი დაგვრჩენია რა ამ წითელი უფიქროსისა გარდა.

უფიქროსი უფიქროსი გაუჭიარა შირი-დუთისას, ჭირად უფიქროსის გულმუხარავი დრტვიზუა ისევ გაისმა.

მაგრამ ტანის სდუმდა. მრავალ საუკუნეების სავსე სქლად დასდებდა.

მთამ კი ვეღარ გაუძლო ბუდკრულ დედებს გოდებას, ძლიერად დაიგრგვინა, შკურდი გაიისნა და შავი გუხდა სამუდამოდ გუდში ჩაისფუნა.

ხალხმა მთას „გლოვის“ მთა უწოდა. უოგულ წყალს მალაღი მთა თურქე წოთედი ევაიდე-ბით დუარება და მადამო გმიხვია იესება. ესაო, იმუორებს დიდი და მატარა, მშში დადუ-ბუღთა დედები კუნესიახო.

ინ-ბანი.



სხვა და სხვა ამბები

პოსკოვში შესდგა კადეტების კრება მილიუკოვთან ერთად. გამოირკვა რომ კადეტები უარს აძბობენ „ინოროდების“ საკითხის წამოყენებაზედ —ომის გამოისობით. ერთ-ერთი სომხის მოღვაწე შეეკითხა მილიუკოვს იმ პოზიციის შესახებ, რომ შეიისაც დაადგნენ ხელმძღვანელი წრეები სომხების მიმართ. მილიუკოვმა მიუთითა განსაკუთრებულ ტაქტიურ მოსახრებებზედ, რომლებიც ნაკარახევია აწინდელი განსაკუთრებულის მომენტით. („K. C.“, P. S. ე. ი. არაფერი არ უბასუხა, როგორც არც არავის უბასუხებს ხოლმე ან ისე დახლართავს საკითხს, რომ იმის სიტყვებიდან ჯვარიც გამოიჭრება და ნიჩაბიც, იმისდა მიხედვით თუ რა იქნება ხელსაყრელი მისთვის.

ჰაერის ფლოტი

ამერიკელი ჟურნალისტების შეკითხვაზე გერმანელმა საჰაერო ფლოტის უფროსმა უბასუხა:

„ჩვენ მოუთმენლად მოველით ბრძანებას, რათა გავიქრათ ინგლისზე იერიშის მისატანათ.

ჩვენ უკვე გვიფრენია პარიზისაკენ, მაგრამ ეს დიდ რამეს არ წარმოადგენს. ომის დაწყებიდან ჩვენმა ექვსმა მანქანამ 15.000 ნილი დაჭთარა. მართალია ფრანგის სამხედრო ჰაეროპოლანები ჩვენსაზე ოცი მილით უფრო სწრაფად დაფრინავენ, მაგრამ ეს მათ უპირატესობას არ აძლევს, რადგანაც ამ სისწრაფის დროს დაზვერვა ძნელია. 6000 ტერფის (ფუტი) სიმაღლეზე ქვეიდან ნასროლი სახითათო არაა. ჩვენ შევნიშნეთ რომ ყველაზე უშიშარი აღ-

გილი, ზედ ზარბაზნების ასწვრივ არის, ამ შემთხვევაში ზარბაზნები ვერ აღწევენ მიზანს. ჰაერში შეხლა ამეამად ჩვეულებრივი მოვლენა გახდა. თუმცა ჩვენ მარტო რევოლვერებით ვართ შეიარაღებული, ხოლო ფრანგები კრ. 1915 წლის მარტო-აპრილის დროს ჩვეულებით, ჩვენ ყოველი შემთხვევით ვსარგებლობთ, იერიშის მისატანად, ამისათვის სულ ახლო მიუახლოვდებით ხოლმე, დავიწყებთ იქვე ტრიალს და ხან გეხს ვიცვლით და ხან მიმართულებას, ამის გამო ისინი ჩვენ ნიშანში ვერ გვიღებენ, ხოლო ჩვენ რევოლვერებს კი სამუშაო უჩნდებათ. მოკავშირეთა მანქანები უკეთ არიან შეიარაღებულნი, სამაგიეროთ ჩვენი ზარბაზნები ოთხი მილის სიმაღლეს უწევენ. გაზეთი „Times“ სწერს რომ გერმანელები უფრო „ავიატიკ“-ის სისტემის მონობლანებს ხმარობენ, აქ მტრინაეი და მზვერავი ერთი შეორის უკანა ზის. ეს მანქანა უფრო არა სისწრაფისათვის, არამედ უფრო დიდი ტვირთისა და საშინელ არსენალის სატარებლად არის ხოლმე, ორმოც გირვანქიან ყუმბარებს, რომელთაც იქიდან ისვრიან, ტორპედების მოყვანილობა აქვთ. წინ ფოლადის წვეტი აქვთ და უკან სამ ფრთიანი ბურღი. ამის გარდა აქვთ რგვალი ყუმბარებიც ცეცხლის მოსაკიდებლად. ამასთანავე ფოლადის ისრები, რომელნიც უხმაუროდ სთესავენ სიკვდილს. ყოველ ისარზე წარწერაა: „ფრანგის გამოგონება — გერმანელის შემზადება“.

მილიუკოვის ჰასუხი სომხურ ჰრესისადმი

(დასასრული)

მეუბნებიან: „ჩვენ არ შეგვიძლიან ამეამად ახლლად ვილაპარაკოთ ოსმალეთის სუვერენიტეტის მოსპობაზე, თორემ სამხედრო მოქმედება თუ უკუ-დათ დამთავრდა და მოსალოდნელი გამარჯვება არ გავვიმართლდა, მაშინ ჩვენ რვითონვე განსაცუდელში ჩავაგდებთ ოსმალეთის სომხობასაო“. ამ შენიშვნის წინაშე მეც მსურს მუხლი მოვიყარო, თუ დამარწმუნებენ, რომ ასეთი მათი განხრახვა ჯერ არ იციან ოსმალეებმა. ისიც შეიძლება ამ ფორბულის ორახროვნება მიმელო მათი შიშის დასათარაზად, თუ რომ... თვით სომეხთა შესვეურებისგან ოსმალთა სუვერენიტეტობის აზრი სულ სხვაგვარად



გრაფი ცეპელინი, ხელმძღვანელი გერმანიის საჰაერო ფლოტისა.



ოსმალეთის შთავარ-სარდალი ლენერალი სანდერი.



არ იყოს გაშუქებული და არ მიმტკიცებდნენ არა თუ მარტო „შიშის გამო“, არამედ „სინიდისის მიხედვითაც კი, რომ ოსმალთა დაცვა მათთვის საჭირო და საგულისხმეოა, როგორც მათ ეროვნულ ინტერესებთან ფრიად სასარგებლო რამ. ამის დასაბუთებლად უკვე მომყავდა მ. ს. აჯემოვისა და ა. ჯიველეგოვის აზრები, თუ სომხეთისთვის რა „სასარგებლო“ იყო ოსმალთა სუვერენიტეტობის დაცვა. შემდეგ პოლემიკაში სომეხთა პრესა შეეცადა ეს „სარგებლობა“ რაოდენადმე მაინც შეემსუბუქებინათ. მაგრამ ამ თეზისის გაშუქება სრულდებით ახალის სახით დავინახე სომეხ ლიტერატორ ბ. ლეოს წერილებში „დენის“ ფურცლებზე. ამნაირად, უნდა დავასკვნა, რომ ოსმალთა სუვერენიტეტის იდეის დაცვა შემთხვევითი და დროებითი კი არ არის სომხურს პრესაში, არამედ მუდმივი და შინაგანი საბიერება მათი ეროვნული ფორმულისა,

ეხლა ვიკითხოთ, როგორ მოვიქცე, ავდგე და ეს სახე „ჰორიზონისა“ და „არევის“ რჩევის თანახმად, მივიღო ჩემს მფარველობის ქვეშ? ვიტყვი გულახდილად, დღეს ეს მიმართულება მავნებლად მიმაჩნია როგორც სომხური, ისე რუსების ინტერესებისთვის. ამ ფორმულის ხელახლად განხილვა საჭირო და აუცილებელია. რა თქმა უნდა ამ ფორმულაში სრულდებით არ უხსენებიათ ოსმალეთი, მაგრამ ვფიქრობ, თუ მასში აღარ იგულისხმებენ ოსმალეთის სუვერენიტეტობის დაცვას, მაშინ უეჭველია, თვით აზრი „ავტონომიაზე“ და „პროტექტორობაზე“ თითქმის სრულდებით შეიშლება. აქ „ჰორიზონი“ სკდლილობს დამარწმუნოს, რომ ფორმულაში შესაცვლელი არა არის რაო: „ორივე ფორმულა თითქმის ერთი და იმავე სახისაა, როდესაც ოსმალეთის სუვერენიტეტობაზე ვლაპარაკობთ, მაშინ სახეში გვაქვს ბულგარეთისა, სერბიისა და რუმინიის მაგალითები, რომელთა ბედი გა-

დასწყვიტა რუსეთმა. ავტონომიის მეორე ფორმულა (რა თქმა უნდა. აგრედვე „სატერიტორიო“: ამ მხრივ ჩემსა და „ჰორიზონის“ უთანხმოება არ არსებობს) მაგონებს აგრედვე რუსეთის ბივასა და ბუხარაზე.

აქ მოყვანილი მაგალითები სწორედ იმაზე გვითითებენ, რომ ფორმულა სულ ერთიანად უნდა შეიცვალოს, ეს იმისდა მიხედვით, თუ როგორა სურს სომხეთს, სერბიისა, ბულგარეთისა და რუმინიის მაგალითი თუ ხივად ბუქარისა? ცხადია, ტერმინები „ავტონომია“ და „პროტექტორატი“ თავისთავად ჰკარგავენ მნიშვნელობას, თუ რომ შინაარსით ისინი ერთბაშად ერთსა და იმავეს აღნიშნავენ. შინაარსის „იგივეობაზე“, რა თქმა უნდა, მეტია ლაპარაკი, რადგან „ჰორიზონმა“ მშვენივრად უარჰყო იგი თავის მიერ მოყვანილ მაგალითებით.

არ ვიცი, იცნობს თუ არა „ჰორიზონი“ რუსეთის მფარველობის ევოლიუციას ბუხარაზე? თუ რომ ამ საკითხს გაეცნობა იგი, მაშინ, ვფიქრობ, უეჭველია, დააფასებდნენ ჩემს მოსაზრებას იურიდიულ მდგომარეობის იმ გამოურკვეველობის შესახებ, რომელიც თანა სდევს „პროტექტორატი“ შემეცნებას. რაც შეეხება ბოლგარიისა, სერბიისა და რუმინიის სახელმწიფოებრივ ევოლიუციას, მაშინ, რა თქმა უნდა ყველა მიხვდება, რომ უპირატესობის ღირსია „ჰორიზონის“ ელასტიური ფორმულა (ოსმალეთის ნომინალური სუვერენიტეტობა). მაგრამ ამ შემთხვევაში „რუსეთის“ პროტექტორობაზე ხომ სულაც მეტია ლაპარაკი. ცხადია, ამ შეხედულობის ქომაგი გვპირდებიან, რომ ოსმალთა სომხეთიდან შექმნიან „სახელმწიფო ბუფერს“, რომელიც დაგვაშორიშორებდა დიდ სახელმწიფოთა გავლენის სფეროს, და რუსეთსაც ამის შემდეგ აღარ დასჭირდებოდა აღარავინ რი

ხარჯი საზღვრების დასაცველად და ამ მხარის ეკონომიურ განვითარებასათვის, გულით მსურს ვიწამო და მწამს კიდევ, რომ ჩვენი სომეხი თანამოქალაქენი გაუაცილებით ზრუნავენ თავიანთ თანამომეც ოსმალეთში მყოფ სომეხებზე. მაგრამ ამასთანავე კარგად შესმის ყველა ერების „ბუნებრივი მისწრაფებანი“. მაშ მან ტიებენ სომეხთა პუბლიცისტები, თუ რომ ამ შემთხვევაში დიდ განსხვავებას ვხედავ იმ საკითხსა, რომელიც წარმომიყენეს ეხეია და იმის შუა, რომელიც გადასწყვიტა რუსეთმა ბულგარეთსა და სერბიაში. რუმინიაზე აქ არას ვიტყვი, თუმცა რუმინია სწორედ ჩემ ახრთა დამამტკიცებელ ილიუს-

ტრაციად უფრო გამოდგება, ვიდრე ჩემი ოპონენტების მისწრაფებათა დასამტკიცებლად.

სომხურმა პრესამ შედარებით ნაკლები ყურადღება მიაქცია მეორე სადავო კითხვას, ალექსანდრეტას! უეჭველია, ხმელთა შუა ზღვაში გასვლა მათ მეორე ხარისხოვან საკითხად მოსჩვენებიათ. სომხური პრესა ვერც კი ნიშნავს, რომ, კითხვის ამგვარი დაყენებით პრობლემატიური საკითხი რუსეთის ხმელთა შუა ზღვაში გასასვლელად ასე ადვილად არ გადასწყდება. რა თქმა უნდა, აქ სომეხები ხაზს უსვამენ იმ გარემოებას, თუ რა სასარგებლო იქმნება მათთვის ხმელთა შუა ზღვის დაპყრობა სომხურ



ავსტრიელი აფიცრები გასტქერიან ბელგრადს.

ვაჭრობის გასაფართოებლად. ისინი თითქმის უარს ამბობენ შავ ზღვაში გასვლაზე მათ ისევ ხმელთა შუა ზღვა ურჩევნიათ მათი ვაჭრობის მიმდინარეობა მაშინ სულ ამ მხარესკენ მიიმართება. რაღა თქმა უნდა, ინგლისი ადვილად შეუთანხმდება იმ აზრს, რომ სომხებმა ასეთი „სახელმწიფო ბუყყერი“ გამართონ და მათ მსოფლიო ვაჭრობას მოუჭრან ბაღდადის გზა. სჩანს, ის რაც შეუძლებელია ჩვენთვის, როგორც „დენში“ გვარწმუნებს ბ ნი ლეო, თურქე შესაძლებელი ყოფილა სომხებისათვის...

ბიუბედავად ჩვენსა და მათს შორის ჩამოვარდნილი უთანხმოებისა, იძულებული ვარ ერთი რამე ვიწამო მტკიცედ, რომ მათი ფორმულა, რაც მთელი სომხის ერის სიმბოლოა გამადარა, თავისი უფერულობით და ბუნდოვანობით მხოლოდ ერთსა და იმავე ადგილას უღონოდ ეწყვეტება და დამერწმუნებიან, რომ მისი გარდაწყვეტა შეუძლებელია და არ შეეგუება სომხურ მასის ეროვნულ მისწრაფებათ. შეიძლება დღეის აზრებმა თავისთავად ცხადყოფნ ჩემი მოსაზრებანი და ადრე და მალე დააყენონ ჩემი ოპონენტები უფრო სიფრთხილისა და ყურადღების გზაზე, ვიდრე ასეთ რომანტიულ ნიადაგზე, რასაც თვით „მშაკი“ არ უარყოფდა თავის ფურცლებზე... („რეჩ“).

პრესა და მილიუკოვი

ჩვენი ჟურნალის წარსულსა და ამა ნომერში ჩვენ გადმოვბეჭდეთ „რეჩიდან“ ბ. მილიუკოვის წერილი სომხების საკითხის შესახებ. დავბეჭდეთ არა იმიტომ ნარტო, რომ იგი მეტად საყურადღებოა თავისთავად, არამედ იმიტომაც, თუ რამდენად იქ გამოთქმული შეხედულებანი ეთანხმებიან იმ აზრებს, რომლებითაც ჩვენ ვაფრთხილებდით სომხურ გაზეთებსა და პუბლიცისტებს გატაცებისაგან, და რისათვისაც მოვიწოდებთ სახელი დაფიქსირებულ.

ჩვენ ვაზიარებდით, რომ საქმარისი არ არის, სომხის ერმა სურვილი გამოასთქვას ო. მალეთში ავტონომიისა, თუნდაც ამ სურვილს მთელი რუსეთის პრესამაც დაუჭიროს მხარი, — რომ ეს სურვილი ოდნავ მაინც მიუახლოვდეს განხორციელებას. ავტონომიისათვის რეალური საფუძველია საჭირო და ეს საფუძველი სრულიად არაფერში სჩანდა მაშინვე, როდესაც ომიც არ დაწყობილიყო და სომხები უკვე ანაწილებდნენ ოსმალეთის იმპერიას და ტრაპიზონსა და ალექსანდრეტას აქცევდნენ თავიანთ ავ-

ტონომიის საზღვრებში. მას შემდეგ ნომ ბევრი რამ შეიცვალა და სრულიად მართალია ამ ნხოივ მილიუკოვი, «როგორც რუსეთის სახელმწიფოს პოლიტიკური მოღვაწე», როდესაც ამ მდგომარეობის შეცვლის მიხედვითა სცელის საფუძველზე დასაჯ. როგორც პუბლიცისტმა და მოქალაქე-პრეზერემ მილიუკოვმა შეიძლება „ძალიან კარგი“ აზრები გამოსთქვას, როდესაც ეს არ ეხება სახელმწიფოებრივ ინტერესს, მაგრამ როდესაც ფაქტიურად ადამიანი პოლიტიკის წარმოებაში თითქმის მონაწილეობას იღებს - მისთვის „საკაცობრიო აზრები“ მხოლოდ დიპლომატიური ვარჯიშობაა, ანუ უკეთ-ვარჯიშობა დიპლომატიაში.

სომხური პრესა და სომხური მოღვაწენი წაიტყუილა და გაამხნევა იმ გარემოებამ, რომ რუსეთის პრესა თითქო თანაგრძნობით მიეგება სომხეთის საკითხს, მაგრამ ამ აღფრთოვანებაში სომხებს სრულიად გამოეპარათ მხედველობიდან პოლიტიკური მომენტი, სადაც პრესის აზრსა და სიტყვებს მინიმალური მნიშვნელობა აქვს... ნამეტნავად, როცა ამ რუსულ პრესაში აზრებს განოსთქვამენ იგავე სომხები... ჯივილეგოვი, აჯემოვი, ლეო და სხვანი.

მილიუკოვი სასტიკად, ერთის კალმის მოსმით ამსხვრევს სომხურ ილუზიებს და ეს სისასტიკე იმაში კი არ გამოიხატება მხოლოდ, რომ აი, ერთი გაზეთი და ერთი მილიუკოვი წინააღმდეგია სომხურ ეროვნული იდეალისა, არამედ იმით, რომ ეს პოლიტიკური აზრია, როგორც ოფიციალური, ისე არაოფიციალურიც; რასაც მილიუკოვი ხაზს უსვამს: „შემცდარიან ის აზრი, ვითომც მე გამოვთქვამდე ცალმხრივს „დამპყრობელის ნებას“ და არა შეერთებულ ნებას ყველა მოქალაქისას.“

და რომ მილიუკოვი არა სცდება, როდესაც თავის აზრს აწერს „ყველა მოქალაქეს“, ამის საბუთები უკვე არის და უფრო ნრავალი სულ ახლო მომავალში იქნება კიდევ. აი მაგალითად რასა სწერს „უტრო როსიი“ სომხებსა და მილიუკოვის დავაზედ:

„თუ წარმოვიდგენთ კიდევაც — რასაც ადგილი არა აქვს ეხლანდელ შემთხვევაში — რომ საკითხი არჩევანზეა ორი ერის შორის, ყველაზედ ბუნებრივია უპირატესობა მიეცეს უფრო დიდს, მრავალრიცხოვანს; და მოსთხოვო რუსეთის მოქალაქეს, თუნდა „ინტელიგენტს“, რომ მისთვის უმთავრესი იყოს, არა ის, რაც „სასარგებლოა რუსეთისათვის“, არამედ „რაცა სურთ სომხებს“ (როგორც სწერდა

„არევი“) — ეს ნიშნავს ან გულუბრყვილობას ან შეგნებ-ლ თამაშს იმათ „სინიდისთან“, რომელთაც შერცხვებათ „ნაციონალური“ ინტერესების დაცვა — თუკი ეს „ნაცია“ რუსეთი იქნება“.

„უტრო როსიი“ სრულ სოლიდარობას უცხადებს მილიუკოვს და დასძენს: „იმაზედ ბუნებრივი რა არისო, რომ ადამიანი **ომამდე** გულწრფელად დამცველი სომხეთის ავტონომიისა ოსმალეთში ოსმალეთის სუვერენიტეტით, ასევე გულწრფელად იცავს რუსეთის სუვერენიტეტს **ეს** ლა, როდესაც სომხეთი თავისუფლდება ოსმალეთის მონობიდან რუსეთის ხალხის რაინდული მოქმედებით“. (იქნება სომხებმა მოიგონონ აქვე ცინდაოს ამბავი: ცინდაო ჩინეთს უნდა გადაეცეთო, სთქვეს იაპონელებმა ომის დაწყებამდე; ცინდაო ჩვენია, რადგან სიხლი დავღვარეთო, — სთქვეს იმავე იაპონელებმა, როცა ცინდაო აიღეს).

მილიუკოვის აზრს ეთანხმება რუსეთის სახელმწიფოს ის ნაწილიც, რომელსაც ემსახურება... წარმოიდგინეთ მოულოდნელობა... „კავკ. სლოვო“ — ეს გაზეთი რომელიც, რუსულად რომა ვსთქვათ — **держитъ носъ по ветру**.

ეს გაზეთი, რომელსაც არც მიმართულება და არც რაიმე პროგრამა აქვს, არამედ წარმოადგენს რამდენიმე გასუქებული სოლოლაკელის სულისკვეთებას — დღეს არა მარტო ეთანხმება მილიუკოვს, არამედ უფრო შორსაც მიდის და „პორიზონს“ და სხვა სომხურ გაზეთებს უკივილებს ნაციონალისტობას და ცილსა სწამებს. ის გაზეთი, რომელიც ომის დასაწყისში სომხეთის ავტონომიას ოსმალეთში დიოთირამბებს უგალობდა, რომელიც სომხის ერის განთავისუფლებისათვის არა ზოგავდა მელანს დღეს მხარს უჭერს მილიუკოვის სახელმწიფოებრივ მოსაზრებას. ის გაზეთი, რომელიც № 14 ში ჰბეჭტავს ცეცხლმოდებულს გულის ნადულს ჩალხუშიანისას, რომელსაც მთელი შიგნეულობა ეწვის და ედაგვის სომხის ერის უბედურებით ავტონომიისა და თავისუფლების მისწრაფებაში, — № 13-ში თვითონ მასხარად იგდებს ამ „ნაციონალისტურ რომანტიკას.“ რა არის ესა, თუ არ მაჩვენებელი ერთხელ კიდევ, რომ ფულით გაზეთი ვერ შეიქმნება, პრესის დროშა ფულით სათანადო სიძალღეზე ვერ დაიჭირება.

მაგრამ ვალაპარაკოთ თვით გაზეთი:
 „მილიუკოვს ლანძღავენ პურიშკევიჩები, მარკოვები, „რუსკოე ზნამია“, „ნოვოე ვრემია“ და სხ. იმისათვის, რომ იგი ვითომ ესარჩლება და პუარველობს „ინოროდცებს“ — ეს „ინოროდცები“ კი

(პოლონელები, სომხები, ებრაელი და სხ.) ლანძღავენ მილიუკოვს, როგორც „მოლოატეს“. „პირველ შეხედვით ეს უცნაურობად ეჩვენება კაცსა, ნაგრამ მარტო პირველ შეხედვით ჩადგან საქმარისა: გაარჩიოთ ინოროდცებთან ვინ გამოდის მილიუკოვის წინააღმდეგ, რომ დარწმუნდეთ მათსა და შემარჯვენე „კრიტიკოსების“ განაერთიანებელ გრძობაში — ეს არის **მაეცი ნაციონალიზმისა**“. „კავკ. სლოვოს“, ვინმე „კ. მ.“ პირით მოჰყავს მაგალითები პოლონელებისა და ბაქაელ მუსულმანების განწყობილებიდან მილიუკოვთან და შემდეგ გადადის სომხებზე: „ამას წინად სომეხი ნაციონალისტები აუშხედრდნენ მილიუკოვს. რათა? იმიტომ რომ, გესმით, მან გაბედა, თავისი აზრი იქონიოს“, ოსმალეთის სასომხეთოზედ... და აი მწერლებმა „პორიზონიდან“ მონათლეს იგი, არაკეთილის მსურველად“ და „ქამელეონად“ და პატივცემულმა საზოგადო მოღვაწემ გრ. ჩალხუშიანმა ხელი აიღო მილიუკოვზე, დააბრალა რა „ლოლატი“ და მწუხარებას გამოსთქვამს, რომ როსტოველი სომხები თეთრ კენჭებს აძლევდნენ მის პარტიას, ო, რა „შავი უმადურობაა“ მილიუკოვის მხრით, დასძენს ირონიულად „კ. მ.“ ჩალხუშიანის სიტყვებს, თითქო მილიუკოვის ქამელეონობა ახალი ხილი იყოს ვისთვისმე.

შემდეგ „კ. მ.“-ს მოჰყავს მაგალითი ებრაული „ნაციონალიზმისა“ და საბოლოო დასკვნას უკეთებს თავის წერილს: „ასე უტიფარაა და საშუალებათა განურჩეველი, ასე ცინიკურად უტალიტარული ნაციონალიზმი, სულერთია რომელ ენაზედ გამოითქმის იგი და რომელთა გულში დაიბუდებს“.

ესე ამბობს „კავკ. სლოვოს“ უცნობი ავტორი „კ. მ.“ *) „პორიზონის“, „არევის“ ნაციონალისტებს და ბ-ნ ჩალხუშიანს. ჩვენ დარწმუნებულნი ვართ, რომ ის გაზეთი, რომელიც არ ერიდება ინსინუაციებს და ბევრჯელ „დანოსისებურ“ წერილებსაც — ის მალე ამაზედ უარესებსაც იტყვის თავისიანებზედ, რადგან დრონი იცვლებიან და ფულის სულიანი გაზეთები ყოველთვის დროს მიხედვი ირჯებიან. გულწრფელად შეგვიძლიან უსურვოთ სომხის ერს განთავისუფლება ასეთი მზაკვრული ელემენტებისაგან, რადგან არას დროს არ იციო ასეთი ხალხი სად გამოვდებს საღმას და სად გაგუადის.

*) სხვათაშორის, ეს „კ. მ.“ რომელიც ამასტყარების ინიციალებს, უკივილებს ვინმე „ი“-ს: შენ ინიციალებს ეფარებაო.

ომი და თვითმოქმედება

I

ახლანდელი საერთაშორისო და უმაგალითო და უსაშინელესი ბრძოლა შესანიშნავია არ მარტო თვისის სამხედრო ინტენსივობით, არამედ უფრო მეტად საზოგადოების საოცარის მოქმედებით, საქმიანობითა და დახმარებით დაქრილ-დაზარალებულთათვის.

კერძო პირნი თუ დაწესებულებანი, ერობანი თუ ქალაქები არაფერს ზოგავენ, რათა დაეხმარონ დაქრილ-დაავადებულ მეომართ თუ ომისაგან დაზარალებულთ, მოვლა პატრონობით, სამკურნალო დახმარებით, თბილის ჩასაცემელ-დასახურის მიწოდებით და ბოლოს, სადღესასწაულო საჩუქრებითაც კი. ყველა ამისათვის არა ზოგავენ არც პირად შრომასა და თავგანწირვასა და არც უხვს ქონებრივ დახმარებას.

არ მოიპოვება დაწესებულება კერძო თუ საზოგადო, კომერციული თუ კულტურული რომ თვისის ხარჯით ლაზარეთი და სასანიტარო რაზმი, თუ დაქრილთათვის რამოდენიმე საწოლი მაინც არ მოეწყოს, ხოლო კერძო პირნი, ქალაქნი და ერობანი ერთმანეთს ეჯიბრებიან დახმარების სიუხვითა და მხნე საქმიანობით.

რა თქმა უნდა, ამ გვარ გაშმაგებულ შრომას ეწევიან ყველგან ეწევიან მას დიდის ენერგიით მთლად რუსეთში, ეწევიან მას რუსეთში მცხოვრები სხვა ერებიც და მეტადრე ი'ანი, ვინც ამ ბრძოლაში პირდაპირ არიან ჩათრეულნი, და ბრძოლის ასპარეზადაც გაშხდარან, როგორც იქ შუა ევროპაში პოლონეთია და აქ, აზიაში, სომხეთი.

II

ამ მხრივ ჩვენი მეზობელი სომხები დღევანდელ საბედისწერო მომენტს შემზადებულნი დახედნენ. კარგად ესმით თუ ოსმალეთის გამარჯვებას მათთის რა მოჰყვება, და მთელის ძალ-ღონით ხელს უწყობენ რუსების გამარჯვებას, რომელსაც უნდა მოჰყვეს სომხეთის სრული აღორძინება. სალდათისა და ნასალდათარის გარდა, სომხებმა შეადგინეს რამდენიმე ათასი მოხალისეთაგან შემდგარი რაზმი და გაგზავნეს ბრძოლის ველზე. დიდის მხნეობით მოაწყვეს საქმე. ოსმალეთიდან გამოქცეულ მოძმეთათვის დააარსეს რამდენიმე „დახმარების წრე“, რომ-

ელნიც გულმოდგინეთ შეუდგნენ შემოწირულებათა შეგროვებას. ამ მხრივ სომხის ერმა მთლად, შორეულ კუთხის გლეხიდან მაკოლონებელი ამერიკელ მილიონერებამდე, დიდი შეგნება, მზებულის სიყვარული და თავგანწირვა გამოიჩინეს. ყველად თუ ნივთად დღე-მუდამ შემოწირულება ღვარებად მოედინება, მრავალს მოხალისეს უკან შინვე აბრუნებენ, რადგანაც არა ჰყოფნით საჭირო ამუნიცია. სოფლად გლეხები დიდის ხალისით სწირავენ რაც კი ებადებათ: წინდას, ფქვილს, ფულს და სხვას. დიდი უნარი გამოიჩინეს სომხებმა აგრედვე რუსეთის საზოგადო დაწესებულებაშიაც მაგ, რუსეთის ქალაქების კავშირის, კავკასიის განყოფილების სრული პატრონები გახდნენ. და სამართალიც მოითხოვს აღვნიშნოთ თუ რა დიდის ენერგიით ამოდრავეს ეს დაწესებულება დაქრილ მეომართა და ომისაგან დაზარალებულთათვის.

III

ექვსი თვის ბრძოლამ უკვე ერთი რამ ნათელჰყო, სახელდობრ ის რომ იმარჯვებს არა ის, ვისაც კაი საომარი იარაღი აქვს, არა ის ვისაც ჯარი მრავლადა ჰყავს, არამედ ის, ვინც უკვე არის დარაზმულ-დაწყობილი, ვისი ხალხიც შეჩვეულია მუდმივ საქმიანობას სოლიდარულ, დაწყობილ მოქმედებას, ვისაც ორგანიზაცია ერის ცხოვრების ყველა სფეროებში უკეთა აქვს განვითარებული.

ამ მხრივ ჩვენი ხალხი და საზოგადოება მეტად უნუგეშო სურათს წარმოადგენს.

სრული პასივობა, თითქოს ჩვენი ერი გარეშე იდგეს ამ საშინელ გრიგალისაგან, თითქოს მას იქ, ბრძოლის ველზე არ ჰყავდეს უდიდესი და უჯანსაღესი ნაწილი თვას შეილთა, თითქოს აქ, ათასობით არ დარჩენილიყოს მებრძოლთა ოჯახები უკიდურეს და უნუგეშო გასაჭირში. მაგრამ, ჩვეულებრივ უმოქმედონი, დღეს, საშინელ განსაცდელის დროს, როცა საჭიროა უაღრესი მოქმედება, საქმიანობა და თავგანწირვა, ჩვენ ვდგევართ სუსტნი, უმოქმედონი, თავზარდაცემულნი ჩვენის უილაჯობით.

IV

ხანამ აფექტებისამ, გმირობისამ მოქაშა თვისი დრო. ლოდინი დიადის ისტორიული მომენტისა, როცა ჩვენი ინტელიგენცია უცბად ამობრწყინდება — სასაცილოა და თეატრალური, საჭიროა ახლავე შრომა უოკულდლიური, ამ შრომას ოჩნაირი ნაყოფ

ფი ექნება: ერთი რომ ახლავ გაუწევთ რეალურ დახმარებას ჩვენს ხალხს, მეორე ის რომ ამ გვარმა მოქმედებამ უნდა შექმნას კადრი ნამდვილ მოღვაწეებისა. ამისათვის ჩვენ უნდა ავამოძრავოთ ჩვენი ყველა კულტურული და ეკონომიური დაწესებულებანი, უნდა დავაარსოთ ახალნი, უნდა ჩავეწეროთ კავკასიაში მომქმედ ყველა დაწესებულებაში, როგორც არიან რუსეთის საერობო და საქალაქო კავშირების კავკასიის განყოფილებანი. ამაგებში ჩაწერვა მართო ჯამაგირებისათვის კი არა, არამედ გაჭირვებულთა დახმარებისათვის და აგრედვე მისთვის რომ ფართე ნაწილმა ხვენის ახალგაზრდობისამ შეიძინოს საჭირო პრაქტიკა მოღვაწეობისა სასანიტარო, სამკურნალო დახმარებაში, ღიაზარეთებისა და საკვებ პუნქტების მოწყობაში და საზოგადოთ ხალხის რეალურად შევლაში გაჭირვების დროს, რადგან არაფინ იცის რა მოგველის მომავალში. დღე მუდამ უგემურად ვღეჭავთ რომ ორასიათასი ქართველი ბრძოლის ველზე გაგვიგზავნია, ხოლო სრულებით გვაეიწყდება რომ ამ ორასიათას მებრძოლს აქ ორასიათასი ოჯახი უმარჩენალოდ დაუტოვებია. რა გვიკეთებია ჩვენ მათთვის?

თითქმის არაფერი, თუ არ ჩავთვლით თავად აზნაურობის იმ განზრახვას, რომლითაც მას სურდა ფული შეეგროვებინა და ჯარში გაწვეულ სოფელელთა ოჯახებისათვის დახმარება გაეწია; მაგრამ საქმით, საქმით რა გაკეთდა? ხოლო ის რომ გადაიდო საერთო საღაროდან 15.000 მ. და როცა საქმე მიდგა პირად მსხვერპლზე და პირად შრომაზე, ჩვენი პრწყინვალე წოდება ისე მიწყნარდა რომ ახლა აღარც ჩამიჩუმი ისმის. სჩანს ამ ვაჭბატონებს სხვისი შრომით მონაგებ ფულის გაღება უფრო ეადვილებათ. შემდეგ, დეპ. და წინამძღოლთა საკრებულოს შეუძლიან დიდი მონაწილეობა რუსეთის საერობო კავშირის კავკასიის განყოფილებაში. მაგრამ არც აქა სჩანს რამე. ეტყობა მას, ძველი ხელობა, ძლიერთა ფერხთა მტვერობა უფრო ეხერხება, ვიდრე უნარი ჩვენი ქვეყნის მომქმედ ძალების ამოძრავებისა, რომლისათვისაც მას არ მიუშართავს ჯერა.

მივმართოთ ახლა ხალხს. საჭიროა ყოველ მაზრაში გაიმართოს მაზრის მცხოვრებთა კრებები, სადაც ყოველმხრივ განხილულ უნდა იქმნას თუ როგორ (აღეხმაროთ იმ ოჯახებს, რომლის მარჩენალონი ომში დაიხოცნენ. ამისათვის თვითველ მაზრაში უნდა შესდგეს კომისია, შემდგარი ხუთი-ექვსი კაცისაგან, რომელშიაც უნდა იყოს ერთი ან ორი გლეხების, ერთი ან ორი თავად-აზნაურობის, სამ-

ღვდელოებისა, მოქალაქეთა და კოოპერატივების წარმომადგენლები. ამ კომისიამ უნდა ბილოს შესაფერისი ნებართვა ზეოხსენებულ მიზნისთვის; ნებართვის აღებისთანავე საქართველოში კომისიამ პუბლიკაციებისა, კერძო წერილებისა და პირადი პროპაგანდის საშუალებით დააინტერესოს რაც შეიძლება მეტი ხალხი მაზრისა, ასე რომ სამაზრო კრებას დაესწროს უსათუოდ მაზრის ყველა შეგნებული პირი. თათბირის შემდეგ სამაზრო კრება დაპყოს მაზრას ბუნებრივ რაიონებად და თვითველ ამ რაიონში გააწესებს რემდენიმე პირს სამოქმედოთ. ეს პირნი მოივლიან თავის რაიონს სოფლობრივ და კომლობრივ, აუხსნიან თავის მისიას და მოაგროვებენ ვინც რას გაიმეტებს. დარწმუნდით რომ ისეთი ოჯახი არ იქნება რომ ერთი წყვილი წინდა, ან ერთი ჯამი ფქვილი ან ლობიო არ შემოსწიროს. ამ რიგად ყოველ მაზრაში შეგროვდება დიდი ძალი შესაწირი ფულად, ფქვილით და ხვა და სხვა სახით. ჩვენ შეგვეძლება რეალურად დავეხმაროთ მრავალს ოჯახს, დავიმსახურობთ ხალხის ნდობას, გავიცნობთ მას და ხნობრივ კმაყოფილებასაც ვიგრძნობთ რომ ჩვენც შეგვეძლება ცოტა რამის გაკეთება. მაშ ნუ ვკარგავთ დროს.

ვინმე სოფლელი.

პრ. ივ. ჯავახიშვილის ლექციის გამო

ფრიად საგულისხმიერო ლექცია წაიკითხა ჩვენმა თანამემამულემ პრ. ივ. ჯავახიშვილმა საქართველოს უფლების ისტორიიდან მე-VIII და მე-XIV საუკ. ვამბობთ, საგულისხმიერო, არა იმიტომ, რომ პატივცემულს ლექტორს სავსებით გაეშუქებინოს და წერტილი დაესვას თავის საძიებელ საგნის კვლევისთვის, არა, ამ მხრივ ჯერ კიდევ ბევრია სათქმელი, თვითონ ლექტორიც შენიშნავდა საქმის სირთულეს, — ჩვენთვის იგი მით უფრო იყო საგულისხმიერო, რომ უფრო ნათელი, უფრო ცხადი შეიქმნა ჩვენი წარსულის სიდიადე. ეხლა დავრწმუნდით, რომ საქართველოს არა მარტო ხმალ-კაპარქის მომარჯვებაში ჰქონია უნარი, რომ მისი წარსული არა მარტო ხმლის წვერზე იყო დამოკიდებული, არამედ სოციალურადაც და პოლიტიკურადაც იგი სადიადო წერტილზე მდგარა, რომ საქართველოს წარსული ცხოვრება მრავალ მხრით არის

შესასწავლი იმ პესიმისტთა და გულუბრყვილო პოლიტიკოსთა საყურადღებოდ, რომელთაც საქართველო დაღუპვილად წარმოუდგენიათ, თუ მას მომვლელი ძიძა არ ეყოლება. დღეს უფრო, ვიდრე სხვა დროს ახალგაზრდობას გაგვეღვიძა სურვილი ჩვენი წარსულის შესწავლისა. დღეს უფრო, ვიდრე სხვა დროს ვგრძნობთ საქიროებას დავუკვირდეთ ჩვენს წარსულის პოლიტიკურს და სოციალურ ცხოვრებას, ვისწავლოთ და აღვადგინოთ ჩვენი უფლებათა და ჩვეულებათა უსაქიროესი ტერმინოლოგია, შინაურ ცხოვრების მოსაწყობად. მაგრამ სჯობს, შევჩერდეთ და თვით ლექციის შინაარსის გაცნობით თვითონ მკითხველსაც გაგუზიაროთ ჩვენი სიხარული. რა მოხდა, რა გავიგონეთ?

უწინარეს ყოველისა ჩვენ გავიგონეთ, თუ **სახელმწიფო** როგორი სახით გვქონია მოწყობილი. ჩვენი სახელმწიფო, თავის უფლებრივი კონსტიტუციით იყოფებოდა სამს კატეგორიად: ა) დაუმონებელი, ბ) დამონებული და გ) დამოკიდებული, ანუ ვასალური. ამ ფორმებით მიდიოდა ჩვენი სახელმწიფოს მართველობა. მთელს თავის დამოუკიდებლობას დროს საქართველო თანდათანობით იკვლიდა მმართველობის უმაღლეს ფორმებს და მრავალ „განმაგებელთაგან“ ერთ მეფობისკენ მიისწრაფებოდა. უკვე მე-VIII საუკ. საქართველომ მიადგინა ამ უაღრეს ფორმას და ერთმეფობა დამყარებულ იქმნა: საქართველოს მეფე მეფეთა მეფედ ითვლებოდა. თანახმად ბიზანტიისა, თუ შესობელ სპარსეთისა და არაბეთის შეხედულობისა, ისიც იღებს მათ სახელმწიფო ელფერს, თუმცა ყოველისფერი თავისებურად ესმის. თავისებურ ელფერს აძლევს. მემკვიდრეობა იმ დროს არ იყო ასე მოდებული, მის აღვილას იჭერდა „თანამესაყდრეობა“, ეს კი იმას ნიშნავდა, რომ მეფე თავის სიცოცხლეშივე ირჩევდა ერთგვარს თანამშრომელს, რომელიც მის სიკვდილის შემდგომ ტახტს დაიჭერდა. მემკვიდრედ პატარას ირჩევდნენ, 8-9 წლისას და მეფურად ზრდიდნენ, ე. ი. ამზადებდნენ სამეფო მმართველობისათვის. მეფის კურთხევა საგანგებო წესით მიდიოდა, რომელიც დასავლეთ საქართველოში შეიმუშავეს. კურთხევის დროს მიჭქონდათ ხმალი, დროშა და შუბი. ხმლის შემოკვრა ეს განსაკუთრებით ქართველობის სამეფო კურთხევაში შედის და არ არის გადმოღებული აღმოსავლეთის სახელმწიფოებიდან — სპარსეთიდან და არაბეთიდანაო. და რომ ეს აუცილებელი წესი იყო, იქიდანაც სჩანს, რომ თვით თამარ-დედოფალსაც მთავრად ხმალი, თუმცა იგი

ქალი იყო და ხმლის ტარებმა არ შეეძლო. სამეფო დროშა წითელი იყო, შუაში წმ. გიორგი ოქროსმკედით ნაქრგი...



მეფე მთელი სახელმწიფოს ბატონ-პატრონი იყო, უმთავრესად უფროსი მმართველი და არა კერძო მესაკუთრეა, იგი არ ყოფილა შეუხდელი ხელის უფალი: მას ეშველებოდნენ ბჭობაში ვაზირები და დარბაზი... რა იყო დარბაზი? რა როლს ასრულებდა ჩვენს ისტორიაში? აქ ბ-ნი ლექტორი ხანგრძლივად შეჩერდა და აგვიხსნა, რომ დარბაზი ერთგვ რი სამოსამართლო დაწესებულება იყო. იგი შემოდებულია დავით აღმაშენებლის მიერ, როგორც საკანონმდებლო დაწესებულების უმაღლესი ფორმა. თავმჯდომარედ ითვლებოდა მეფე. მასვე ჰქონდა უფლება კანონმდებლობისა, მაგრამ ვერაფერს ახალს კანონს ვერც შემოიღებდა იგი და ვერც ცხოვრებაში გაიყვანდა, თუ მას ნებას არ დართავდა დარბაზის კრებული.

მეფის უმაღლეს მოთათბირე და დამხმარებლად ვაზირები ითვლებოდნენ. სიტყვა ვაზირი სპარსიდანაა გვხვდება და არაბეთშიაც. მაგრამ ქართულ ვაზირს მშრალი ტერმინის მზგავსების მეტი სხვა არა აქვსრა არაბულსა და სპარსულ სიტყვასთან. ესენი, როგორც მეფის უმაღლესი მსახურნი, განაგებდნენ ცენტრალურს მმართველობას. თვითთელი ვაზირი განაგებდა განსაკუთრებულს საქმეს როგორც დღევანდელი მინისტრები. უმაღლესად ითვლებოდა „მწიგნობართა უხუცესობა“, ანუ „ეკლესიოლოგია“, შემდეგ „ამირსპასალარი“, ანუ სამხედრო უწყების ვაზირი. აი ამათი შეთანხმებული ბჭობით უნდა გადაწყვეტილიყო ომის საკითხი, მათი ბჭობის შემდგომ მეფის „სწრაფი სპარსი“, ანუ მიკრიკები მოედებოდნენ საქართველოს ყოველ მხარეს და აუწყებდნენ უმაღლეს გარდაწყვეტილებას. ჯარებს თავს მოუყრიდა ამირ სპასალარი, შემდეგ მეფე იხანულებდა მთელს ლაშქარს, დალოცავდა, დროშას გადასცემდა ამირსპასალარს, თუ თითონ არ გავიდოდა ომში, და თუ ლაშქარს თვითონ დაუდგებოდა სათავეში, მაშინ დროშას ჩააბარებდა მეუროშეს.

სხვა თანამდებობათა შორის აღსანიშნავი „მსახურთა უხუცესი“ რომელიც მეფის სწოლესა და მის სახლელეულობას თვალყურს ადევნებდნენ. მეფის შეხვედრა ერთგვარის ცერემონიით იწყებოდა, რომელსაც განაგებდა „მანდატორთა უხუცესი“. სამეფო სახლის მკველებად იდგნენ „ეჯიბები“, ხალხო მათი უფროსი „ამირეჯიბი“ იყო. მთელს სამმართ-

ველოში მხოლოდ ამათ ჰქონდათ უფლება დაუკითხავად ყოველგან შესულიყვნენ, შეეხედნათ და საქმის ვითარება განეხილათ. ესენივე იყვნენ მთავარი მომხსენებელი ნეფისა.

როგორც ვსთქვით, „დარბაზი“ ასრულებდა თანამედროვე სასამართლო უმაღლეს ფორმას. დარბაზს შეადგენდნენ ვაზირები; გარდა ამისა ბჭობაში მონაწილეობას იღებდნენ ადგილობრივი ხალხის წარმომადგენელი, როგორც „ერისთავები“, და „ერისთავთ-ერისთავნი“, რომელთაც ემორჩილებოდნენ „სოფლის აზნაურები“, სამღვდლოება და მაღალი წოდება, — ქალაქის თავნი, ანუ „აზირანი“ და სოფლის „მამასახლისნი“. ყველა ბჭობის თავმჯდომარედ იყო. დარბაზის გახსნა შემუშავებული წესრჯით იყო, ერთი და იმანე სიტყვის შესავალით.


არა ნაკლებ საინტერესო იყო ლექტორის მიერ აღწერილი ფეოდალური დამოკიდებულებანი უფლების მხრით ბატონებსა და ყმებს შუა; განსაკუთრებით საყურადღებო იყო ეკლესიის აღწერილობა და მონასტრულ გამგეობის აღწერილობა, განსაკუთრებით შე XI—XII საუკ., როდესაც მხოლოდ და მხოლოდ მონასტრებს უნდა ეუმაღლოდეთ ჩვენი ლიტერატურის გაფურჩხნისთვის, რომლის ყვავილთა სურნელოვნება სამარადისოდ იკმევა საქართველოს დიდების საკურთხეველზე.

ლექტორის დასასრულს, რაკილა ბატიცემულს ლექტორს დრო ხელს არ უწყობდა, მოკლედ შეეხო სასამართლოს და სასჯელს. სასამართლო უმეტეს შემთხვევაში წოდებრიობის ნიადაგზე იყო დამყარებული. სოფლად გლეხობას მსჯავრსა სდებდა მამასახლასი, ხოლო ვაჭრებს — ვაჭარი დი მებატონეთ — „მწყემსი“, ანუ მეფისგან განმწყესებული მსჯავრი შემდეგის წესით ხდებოდა: შეჰქონდათ საჩივარი საქმის გამოვრება და მსჯავრის დადება. ქურდებისთვის დასახიჩრება იყო წესად, მოსკრიდნენ ხელს, ფეხს, ან თვალს ამოსთხრიდნენ და სხვა, პოლიტიკურ დანაშაულებისთვის — სდევნიდნენ, ხოლო მოღალატე მემკვიდრეებს თვალებსა სთხრიდნენ. მაგრამ სასტიკი სასჯელი მეფის მიერ ხშირად

სუბუქდებოდა. ოღონდ თამარ-დედოფლის დროს და შემდეგჩვენმა სამართალმა ევოლიუციის იმ წერტილამდე მიაღწია, რომ სიკვდილით დასჯა მოსპობილ იქმნა სამუდამოდ, როგორც დასახიჩრების საშუალებანი...

მოკლედ ასეთის შინაარსისა იყო ბ-ნ ი. ჯავახიშვილის ლექცია, რომლსაც სამწუხაროდ, დეტალურად ვერ შევხეთ. გეტყვით მხოლოდ, რომ ეს ჩვენს მიმდინარე ცხოვრებაში ხაზგასასმელია, როგორც ერთი უშესანიშნავესი გამომაფიხლებელი საყვირის ძახილი. საქართველოს უცხოვრია, ჰქონია წარსული, ჩვენ მას არ ვიცნობთ და „რა გვეშველების“ ვყვიროთ. დღეს, როდესაც მსოფლიო რუქა ვინ იცის, რა სახით არ უნდა შემუშავდეს, ქართველი ერი თავის თავზე არ ზრუნავს, იგი გასაოცარს იდილიას ეძლევა, რომანტიულ უზრუნველყოფილებას და ოდნავი სურვილიც არ ეტყობა, გონება მოიკრიბოს და ჯეროვანად მომზადებული შეხვდეს მსოფლიო ქარიშხლის მიერ მოსალოდნელ ცვალებადობას. მაღლობის ღირსია ბ-ნი ი. ჯავახიშვილი ასეთ მნიშვნელოვანი ლექციის წაკითხვისთვის, მაგრამ უფრო მეტი მაღლობის ღირსი იქმნება, თუ აიღბეს და რაც შეიძლება მოკლედ ხანში სახელმძღვანელოდ გამოსცეშს იმავე ლექციის თუნდა იმ მინიატურული სახით, როგორც მან წაგვიკითხა 18 იანვარს, მართლაც ამ ღირსშესანიშნავ ჩვენთვის ისტორიულ დღეს.

დ. კახრაძე.



რედაქტორ-გამომცემელი

რ. გაბაშვილი.

№ 19

168

მიიღება ხელის მოწერა

1915 წ.

ეკონომიკურ და სალიტ. ჟურნალ

„ს ზ ლ ე“ - ზედ.

წლიური ფასი ხუთი მან., ექვსი თვით სამი მან.

ცალკე ნომერი ორი შაური.

ეკონომიკური საორშაბათო საზოლიტიკო, სამეცნიერო და სალიტერატურო გაზეთი

„შაფრეპანი“

მიიღება ხელის მოწერა 1915 წლისათვის. გაზეთი ღირს 1 წლით - 2 მან, 50 კაპ, ნახევარი წლით - 1 მან. 25 კაპ., ერთი თვით - 25 კაპ. საზღვარგარეთ ორჯერ მეტი. კანტორის და რედაქციის ადრესი: ტიფლისი, ტიპოგრაფია „სორაპანი“ დია „შადრეანი“. ფული უნდა გამოიგზავნოს შემდეგი ადრესით. ტიფლისი, ტიპოგრაფია „სორაპანი“ ალექსანდრე გ. მუმლადე.

ელექტრო-მბეჭდავი სტამბა არ. მ. კერესელიძისა, გაბაევის შესახვევი № 1.

